



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Generalibus Principiis Amoris Et Morum - Prolegomena septem,
Librosque undecim complectens

**Henricus, de Sancto Ignatio
Leodii, 1709**

Caput XIX. Sanctorum Augustini dogmata nullo in puncto contraria sunt
Decretis SS. Pontificum.

[urn:nbn:de:hbz:466:1-73187](#)

plus dixit quam dicere debuit.
Respondeo hoc perinde esse, ac dicere (cum Semipelagianis) quod disputando contra ipsos, necessarium excellerit modum; quod; ut presumptuosum, Cœlestinus Papa redarguit supra n. 129. Nec certe aliò tendunt hujusmodi dicta, nisi ad extenuandam estimationem Augustinianæ doctrinæ, tantoper ab Ecclesia commendata. Quapropter „Gregorius XIII. „Cœlestinus imitatus, Scriptoriuidam, invento recundiū adversus Augustinum agenti, plurimæ que ejus generis pollicenti, silentium indixit, atque à scribendo in posterum abstinere jussit, „prout à teste fide digno se accepisse refert Facultas Lovaniensis in Justific. censoria sua parte altera pag. 256. Edit. Paris. anni 1641. addens se justam ob causam parete nomini Scriptoris istius.

CAPUT XIX.

Sanctorum Augustini & Aquinatis dogmata nullum in puncto contraria sunt Decretis SS. Pontificum.

- 161 Inter Augustinianæ doctrinæ depresso, sunt qui eximiam S. Augustini extenuare co[n]tinuit authoritatem, plures ex damnatis in Bajo (ut vulgo fertur) propositionibus ipsi affingendo, hanc v.g. *Omnia infidelium opera, immo omnia peccatorum opera, sunt peccata.* Cujus Authores Augustinum & Prosperum facit Maldonatus in c. 6. Maith. v. 18. cuius specialem hac de re aberrationem, dum infra suo sumus ostensi loco, contenti hic erimus, generalibus argumentis evincere, duorum illorum Sanctorum dogmata nullo in puncto contraria esse Decretis SS. Pontificum.
- 162 Id igitur efficaciter ostendo. Quia si aliquo in punto contraria forent Decretis SS. Pontificum, maximè quia aliquæ alterutrius S. Doctoris sententia damnatae forent per Bullam Pii V. Gregorii XIII. & Urbani VII. contra Bajum, vel per Bullam Innocentii X. & Alexandri VII. contra Jansenium. Atqui certissimum est, nullas, sive Augustini, sive Aquinatis sententias, per Bullas istas esse damnatas. Ergo Major est illud ipissimum quod adversarii praetendunt. Minor probatur. ex tot tamque mifificis elogis, quibus SS. Pontifices, Patres, imò Catholicus Orbis universus, doctrinam utriusque S. Doctoris non modo consecrarent, sed & integrerimam, sanissimam, purissimam, inconcussum, tutissimam, atque ab omni specie erroris alienissimam, absque ulla exceptione vel limitatione declararunt. Quæ protectio elogia ficta essent, ac mendacia, li alterutrius doctrina aliqua ex parte damnata foret per Bullas supradictas. Illaque præsternim elogia ficta esse ac falsa, quibus Alexander VII. Clemens X. & Innocentius XI. post omnes illas contra Bajum & Jansenium Bullas, traditam ab utroque doctrinam commendarunt.
- 163 Quippe falsum imprimis foret elogium istud Alexandri VII. in Brevi ad Facultatem Lovanensem de die 7. Augosti 1660. *Non dubitamus quin... præclarissimorum Ecclesiæ Doctorum, Augustini & Thoma, inconcusa[t]utissima[que] dogmata sequi semper, ac impensè reverenter velitis. Quorum profecto[s] sanctissimorum virorum penes Catholicos universos, ingentia, & omnem laudem supergressa nomina, noui praconii commendatione plane non egerint. Ibi namque Pontifex simpliciter & sine restrictione inconcusa[t]utissima[que] pronuntiat utriusque dogmata. Non forent autem simpliciter, & sine restrictione talia, si forent in aliquo per Bullas supradictas condemnata.*
- Falsum quoque esset, quod de eodem Augustino Clemens X. in Bulla Augustinianis data anno 1671. pronuntiat: *Eximia, omnisque humanae laudis præconium longè supergressa S. Augustini.... Ecclesiæ Doctoris præcellentissimi (qui Spiritu Dei plenus, heros, errorumque tenebris, tamquam fulgentissimum christiane eruditio[n]is jubar, profundissimis simulque sole clarioribus scriptis profligavit...) decora grato devotoque mentis affectu recolentes, &c. Sicut & illud Innocentii in Bulla data anno 1677. pro festivando in Regnis Hispaniarum S. Augustini die: Optimus ille Magister... Ecclesiam Dei editis ad orthodoxe fidei defensionem, sacrae doctrine elucidationem, viteque & morum ex Christi institutione formandorum (nota bene) instructionem, tot clarissimis atque irrefragabilibus scriptis longè latèque illustravit, illuminareque hodie non cessat, &c. Neque enim Augustini Icripta, absque exceptione ulla, verè dicerentur sole clariora, nec irrefragabilia, si in aliquo, vel aliquibus punctis, damnatarum in Bajo vel Jansenio propositionum fuligine infuscata, obtenebrataque forent.*
- Falsum denique esset, quod de eo Cœlestinus Papa in epist. ad Episc. Galliæ prædicavit, quod utique eum nūquā sinistra suspicitionis rumor apersit. Aliaque hujusmodi, quæ Romani Pontifices de ipso magnifice dixerunt. Nefas est autem, nēdum credere, sed & suspiciari Ecclesiam, summosque Pontifices falsis ac confictis elogis Augustini Thotnaque doctrinam commendare voluisse.
- Probatur minoꝝ 2°. Quod enim attinet ad Bullam Innocentii X. & Alexandri VII. ipse met Innocentius X. die 13. Junii 1653. id declaravit, ut patet ex epistola Legati Regis Christianissimi ad Dominum Comitem de Brienne, eidem Regi ab intimis secretis, datâ Romæ 16. ejusdem mensis & anni, cuius verba exhibentur infra Proleg. 6. n. 55.
- Sed & in Congregatione Generali S. Inquisitionis die 23. Aprilis 1654. idem Pontifex rursum declaravit, se (non obstante suā contra Jansenium Constitutione) quæstionem de auxiliis, seu celebrem de Gratia per se efficaci controversiam eo in statu relinquere, in quo erat sub Paulo V. & Urbano VII. utpote quorum decreta hac de re voluit ibi observari. At verò “ Paulus V. Romanus Pontifex de “ gravi illa ac molesta controversia, de auxiliis &

Tom. I.

M

Prolegomenon Tertium.

90

divinæ Gratiaæ , & libero arbitrio (quam inter Religiosos Prædicatores , & Societatis Jesu , sub Clemente agitatam innuimus) quibus ipse Paulus cum ceteris Cardinalibus illius Congregationis semper interfuerat , conicescere jufit , sanxitque postmodum , ut urisque , dum aliud decernatur , liberum esset , suam sententiam in scholis modestè tueri , sed sine damnatione alterius partis .

¹⁶⁸ Præterea Alexander VII. in Brevi ad Episc. Gall. ditecto 29. Junii 1663, eamdem doctrinam de Gratia per se efficaci sanam declaravit: cùm enim Illustris. D. Gilbertis de Choyfeuh, tunc Convenarum, postea Tornacensem Episcopum, ad ipsum quinque misisset articulos, quibus Gratia per se efficax, illiusque ad bene agendum (ultra sufficiemt) necessitas, secundum Augustini & Aquinatis, communemque utriusque Discipulorum doctrinam, defendebatur: gratulatus est Pontifex de sana eorumdem articulorum doctrina, Episcopisque Galliarum testificatus est gaudium suum, quod Gratiam taliter explicatam propugnantes, suo exemplo, consilio & operâ, ad faniorem doctrinam induxissent alios apud S. Sedem delatos, tamquam propugnatores quinque articulorum in Janfeno damatorum, ut videre est apud Gonet to. I. Clyp. Theol. in Apologia Thomistarum a. 8. ubi profert exemplar memorati Brevis, articulorumque ab Illustriss. Convenarum Episcopo ad Alexandrum VII. transmissorum. Denique S. D. N. Innocentius XII. in Brevi ad Facultatem Lovaniensem de 6. Februarii 1694. Sanctos Augustinum & Thomam adèò commendat, ut dicat: *Hos dum Universitas vestra doctrina Duces secuta fuerit, securè pugnabit contra hostes orthodoxæ fidei, in Ecclesiæ gloriam & edificationem.*

¹⁶⁹ Nulla proinde difficultas superesse potest quoad Bullam Pii V. Gregorii XIII. & Urbani VIII. contra 79. propositiones. Quarum aliqua, nimirum 16. 25. 27. &c. à nonnullis tribuantur Augustino: eo quod secundum perspicua ejus testimonia, suo loco producenda, sine aliquo, imperfecto saltē, afflatum charitatis generaliter dicta, seu amoris Dei propter se, nulla sit voluntas usquequaque bona; nulla virtus debitum omnibus, tam ex parte operis, quam ex parte operantis, circumstantiis ornata, nullumque proinde opus unidique bonum, sive debitum omnibus circumstantiis vestitum. Ex quo Augustinus insuper conficit, nullum opus usquequaque bonum, debitiisque tam ex parte operis, quam ex parte operantis, circumstantiis ornatum, sine Gratia effici posse. Quippe verus Dei propter se amor, ad id necessarius, non ex hominibus, sed ex Deo est, prout Augustinus tam asseveranter tradit, ut alias viciisse Pelagianos testetur I. de Gratia & lib. arbit. c. 18. ubi expressè loquens de charitate, sine qua (ut ibidem ait) *quidquid se putaverit homo facere bene, si fieri sine charitate, nullo modo fit bene;* de ea dicit: *se non ex Deo (per Gratiam, ut*

contextus manifestat) sed ex hominibus, vice-runt Pelagiani: si autem ex Deo, vicimus Pelagianos. Legatur contextus istius capituli, attendaturque scopus totius illius operis, & liquidò apparet, verborum hunc esse sensum: charitas, ad omne opus usquequaque bonum necessaria, si non necessariò sit ex Deo per Gratiam, sed esse possit ex hominibus per solas natura vires, vicerunt Pelagiani: si autem necessariò est ex Deo per Gratiam, & non possit esse ex hominibus per solas natura vires, vicimus Pelagianos.

Hinc pater Augustinum in eo quod nullum opus usquequaque bonum esse queat sine aliquo Dei propter se amore, iisque ex Deo sit per Gratiam, nec esse possit ex hominibus per naturam; in duobus, inquam, principiis istis fundasse suam contra Pelagianos doctrinam, de necessitate Gratia ad omnes & singulos ejusmodi actus, prout suo loco fusiū offendit. Revera namque duobus illis principiis subvertit tres capitales Pelagianorum errores, ostenditque 1°. absolutam Gratiam necessitatem ad bene operandum: 2°. per consequens nullum esse meritum, nisi ex Gratia, quam proinde nulla præcedunt merita: 3°. veram Christi Gratiam non esse liberum arbitrium, neque legem atque doctrinam, neque solam internam intellectus illuminationem, sed charitatis inspirationem. Quæ tribus capitalibus erroribus ipsorum diametraliter adversantur.

At vel hinc aperte conficitur, in nulla ex 171 damnatis illis 79. propositionibus, damnata esse duo illa Augustini principia, nec proinde damnatam esse doctrinam ejusdem num. 170. relatam, innumeris testimonis ipsius perspicue in sequentibus comprobandam. Afferta namque ab Augustino contra Pelagianos de Gratia, Gratiaeque necessitate doctrina, ita erroris, seu damnata per Ecclesiam doctrinæ suspicione adduci non potest sine Ecclesiæ injuria, & sine manifesto viginti & amplius SS. Pontificum contemptu, ut constat ex dictis à num. 25. ad 34. “ Nihil enim ita admirabilem & suspicendum Ecclesiæ reddidit Augustinum, “ quam de Gratia doctrina, “ inquit Suarez to. 7. de Gratia Prolegom. 6. c. 6.

Hæc est enim illa doctrina, quam SS. Pontifices ita probavere, ut ad eam fideles remitterent, ex ipsa intellecturos, quid Catholica sequatur & asseveret Ecclesia, ut vidimus n. 129. Hæc est illa doctrina, ex qua Bonifacius Papa, tametsi doctissimus, adversus Pelagianorum libros responsa poscebat, ut vidimus n. 126. Hæc est illa doctrina, ex qua ipsamet Concilia suos de Gratia & libero arbitrio Canones verbottenus excipererunt, ut vidimus n. 128.

Hæc est illa doctrina, cuius ductu Catholica acies tam gloriosem de Pelagianis ac Semi-pelagianis victoriam reportavit, ut vidimus n. 126. ita ut divina providentia, sicut contra Valentianos & Gnothicos, Hieronymum: contra Artianos, Athanasium & Hilarium: con-

De sublimitate Moralis Christianæ.

91

tra Nestorianos Cyriillum nostrum Alexandrinum : contra Eutychianos , Leonem Papam : sic contra Pelagianos ac Semipelagianos elegit fuscitavitque Augustinum. Cujus proinde adversus ipsos doctrinam (maxime fundamentalem illam , ex qua pendere ipse creditit victoriam) in suspicionem adducere , foret suspicione reddere Augustini , & Ecclesiæ per Augustinum , de Pelagianis Semipelagianis que viae Victoriam . Foret ipsi detrahere mirificam illam approbationem autoritatemque , quam Sedes Apostolica toties illi detulit . Foret Ecclesiæ ipsam nimia credulitas arguere , tamquam quæ „ immērito tam sidenter judicium ejus in hac doctrina fuisset sectata , „ inquit Suarez ubi supra . Foret suscitare propositiones ab Hispanica Inquisitione damnatas : Augustini quædam dogmata ab Apostolica Sede in terminis damnata sunt . Si triumphus Ecclesiæ de Pelagianis niteretur posterioribus Augustini scriptis , immeritù de eis illa triumphasset . Volentem sustinere partes Juliani , non posse Augustini rationibus convinci , &c. Foret denique falsitatis ac mendacitatis arguere magnifica de doctrina ipsius elogia Cœlestini Papæ , Alexandri VII. Clementis X. & Innocentii XI. n. 164. 165. & 166. recensita . Quod absit omnino .

174 Et confirmatur 1°. Quia sanctissimam Augustini doctrinam n. 170. propositam , in damnatorum illorum articulorum suspicionem adducere , foret omnes ferè Patres , qui , post ipsum , sapientiā suā Dei Ecclesiæ illustrarunt , de eadem damnatione suspectos reddere . In illa quippe doctrina Augustinus Sectatores habuit omnes ferè Patres , qui post ipsum flouerunt , non solum utique Hilarium , Proferum , Fulgentium , Mamerum , Sidonium , Avitum , Joannem Antiochenum , Orosium , Cœsarium , V. Bedam , Petrum Diaconum , Venantium , Anselmum (Augustini Discipulos) verū etiam Gregorium Magnum , Leōnem , Bernardum , aliosque communiter Patres , imò & Concilia Aurasicanum , & Melitanum , prout in sequentibus ostendemus : ita ut illa Augustini doctrina , non jam privati Doctoris , sed communis SS. Patrum , imò communis Ecclesiæ doctrina meritò videri possit . Communem autem Ecclesiæ , vel SS. Patrum doctrinam , in suspicionem damnationis sapiens non adducet .

175 Confirmatur 2°. Quia Ecclesiæ Romana consuetudo non est , veterum ac præcipuum Ecclesiæ Patrum dogmata convellere , sed stabilire : incredibile ergo est , nec (sine expressa ipsius declaratione) præsumendum , quod convellere voluerit dogmata tanti Doctoris , quem *ut precipuum Ecclesiæ lumen* , principalemque Christiani Orbis post Apostolos Magistrum , Pontifices & Patres communiter omnes semper commendaverunt , cuius & doctrinam toties & tam mirificè approbarunt . Quid enim dicenter hæretici , si Ecclesia Romana , post tot & tam solemnes approbationes , tamque mirificas commendationes Augustinianæ doctrinæ , ipsam aliquam ex parte damnasset , docetique prohibuisset ? hinc certè campum haberent apertum , amplaque occasionem resumendi vires , doctrinæque Ecclesiæ sententias irridendi ; utpote quæ toties simpliciter , & absque restrictione , tam magnifice suscepisset commendassetque doctrinam , quam postmodum , velut hæreticam , erroneam , vel scandalosam condemnasset . Hanc rationem allegat Felix Papa epist. 1. dicens : *Cunctis heresis... resumendi vires , atque in usus pristinos redeundi , latu campus aperitur , si semel quod à Majoribus nostris est dispositum , qualibet occasione pulsetur* . Allegat & Hilarius in lib. de Synodo : *Non damnumus Patres , ne animemus hæreticos ; ne , dum heresim expellimus , heresim nuriamus*. Unde cum Vigilius Papa , in sua Constitutione aduersus Theodorum Cœsariensem to. 4. Conciliorum , sexaginta circiter propositiones ipsius condemnasset , subjunxit : *Hic igitur competenter & per orthodoxa fidei regulas Apostolica sententia autoritate damnatis , constituiimus , ut ex omnibus istis.... nulla injuriandi precedentes Patres , vel Doctores Ecclesiæ , prebeatur occasio : anathematizantes omnem... qui Patribus & Doctribus Ecclesiæ contumeliam ex supra scriptis impietatibus quodammodo adscribere , vel irrogare voluerit*.

176 Confirmatur 3°. Quia plures Pontifices testificati sunt , se per decreta seu nullum Augustini doctrinæ præjudicium inferri voluisse , ut constat partim ex dictis n. 167. partim ex jurato testimonio Synnichii Doctoris Lovaniensis , quo coram Waltero Vander Waterfort , Notario publico , & duobus testibus ad id vocatis , in forma authenticā 22. Februarii 1647. Lovaniī in Majori Collegio , testificatus est : *quod in audiencia , quam à felicis recordationis Urbanō VIII. summo Pontifice obtinuit die 26. Novembris 1643. sub horam notam antemeridianam , idem sanctissimus Dominus Urbanus viva voce oraculo dixerit ipsi Domino comparenti (Synnicio) præsentibus clarissimo D. Cornelio Papio , & Venerabili Domino Petro Vercaneren , tria sequentia . Primo se per Bullam , seu Constitutionem suam , occasione libri D. Jansenii Episcopi Irensis... non aliud intendit , quam confirmare Bullam Pii V. & Gregorii XIII. pridem confirmatam.... Tertio , non fuisse intentionis suæ , per Bullam illam procreare ullum præjudicium doctrinæ B. Augustini , & eos , qui contrarium assertere prætulerent , compescendos esse.*

177 Confirmatur 4°. Quia ne quam hac de dubitationem tres nominati Pontifices Piüs V. Gregorius XIII. & Urbanus VIII. relinquenter , in Bulla sua expressè addiderunt , nonnullas ex propositionibus illis aliquo pacto sustineri posse ; dum clausulam hanc adjecerunt : *quamquam nonnullæ aliquo pacto sustineri possent* ; nec id ad solum impro prium sensum restrinxerunt , sed simpliciter dixerunt , absque additamento hujus vel similis clausulae : *impropriæ , in significatione minus propria* , &c. At-

Tom. I.

M 2

tentis vero præmissis, nihil rationabilius dici potest, quam declarationem istam à SS. Pontificibus idè adjectam fuisse, ne quis Augustini doctrinam, vel probatorum ab Ecclesia Patrum, maximè præcipiorum Ecclesiæ Doctorum, per Bullam illam aliqua ex parte damnatam existimat; sed ut sapiens quisque concluderet, saltem eas aliquo pacto sustineri posse, qua præcipios Ecclesia Patres, sanctosque Doctores, habent fidei successores, maximè Augustinum, inter ipsos præcipuum.

CAPUT XX.

De Augustini doctrina non bene sentiunt, nec reverenter loquuntur, qui dicunt, ei ad litteram non infiſſendum, nup̄t̄ qua haud minus obscurā sit, nec varioſque ſenſuſ minuſ admittat, quam ipſamē Scripturā ſacra.

178 **H**oc utique, cum Annato, plerique alii contendunt Molinistæ, ideoque Augustini doctrinam, quālibet perspicuis verbis exp̄ram, in ſenſuſ ſuos contra litteram obtorto collo trahunt. Sed perperā. Tum quia hæreticis per hoc exemplo ſunt, SS. Doctorum testimonia, quālibet perspicua, contra litteræ exp̄reſſionem, in ſenſuſ ſuos trahendi, eludendi, inefficaciaque atque inutiliſ reddendi, ad eruendam ex iis traditionem, veramque Scripturæ divinae intelligentiam. Tum quia Augustinus à SS. Pontificib⁹ & Conciliis, vocatur clarissimum Ecclesiæ lumen, ſol Ecclesiæ, &c. cuius luminosā claritate, eadem Concilia & Pontifices, uſi ſunt ad Scripturam exp̄onendam, diſpandaque obscuritatem ac teñebraſ, ex Pelagianæ hæreſeos reliquiſ Catholicorum quorundam Epifcoporum mentibus offulſas. Augustinique exp̄reſſiones adeò claras, adeò expressas, adeò exactas, proprias & decisivas Ecclesia cefſuit, ut clarioreſ, exp̄reſſiores, exactiores non invenerit ad concin- nandoſ pleoſque Canones ſuos.

179 Denique pro clara divinae Scripturæ intelligentia, ad Augustini, aliorumque SS. Doctorum exp̄oſitionem, contra hæreticorum errores ſemper recurrit, dumque duas inter partes circa Scripturæ intelligentiam controverſia fuit, verum ſenſuſ ipſius ex Sanctorum traditione petendum ſemper docuit, ſemperque recurrit ad ſenſum in Ecclesia primitiva receptum, in qua Scripturarum Apostolicarum vera intelligentia ab Apostolis vivā voce tradita fuit diſcipulis ipſorum, & a diſcipulis ad eorum ſuccellentes, quaſi de manu in manum transmiſſa fuit; methodumque iſtam ſemper Concilia tenuerunt, Orthodoxi ſemper approbarunt, ſoli hæretici recuſarunt. Pernicioſe ergo dicitur, ſanctorum Doctorum exp̄oſitiones perinde obscuras eſſe, atque Scripturam ipſam quam exp̄oſuerunt; alijs inutiliſ fuſſer exp̄oſitione ipſorum. Cūm obſcurum per aequum obſcurum non bene exponatur.

180 Et ideò licet Canonici Scriptores, ad exer-

cendas & elimandas quodammodo mētes legē- rium, & ad rumpenda fastidia, atque acuenda ſtudia diſcere volentium... utiliſ & ſalubri obſcuritate ſenſum Spirituſ Sancti obvolverint; ſic tamen illi locuti ſunt, ut poſteriores, qui eos recte intellegent, & exponerent, alteram gra- diam, diſparem quidem, verum amen ſubsequen- tem, in Dei Ecclesiæ reperirent. Non ergo expoſtores eorum ita loqui debent, ut tamquam ſe- ipſi exponendoſ ſimiſ autoritate preponant, ſed in omnibus sermonibus ſuis primituſ ac maximè ut intelligantur elaborent. Augustinus de doct. christ. l. 4. c. 8.

Sanctorum ergo Doctorum labor & stu- 181 dium ſemper in eo fuit, ut divinam Scriptu- ram clariſ atque evidenter exponerent. Cujus evidentiæ diligens appetitus aliquando negli- gerat verba cultiora, neque curat quid bene ſonet, ne verbum obſcurum ſit vel ambiguum. Ibidem c. 8.

Hanc igitur regulam a ſe tradicam haud du- 182 biè ſecutus eſt Augustinus, & ideò S. Pruden- tius, Trecentis Epicopus, contra Joannem Scotum, clarissima Augustini teſtimonia confitit a ſe glossis obſcurare atque eludere præten- dentein, ſic ſcribit de Prædestin. c. II. n. 2. *Quis non horreat hanc tue perverſitatis amen- tiam, ut Orthodoxos tractatores ſanctorum Pa- ginarum, quibus omnino ſtudiſ fuit, abſtrusa- aperire, claraſ reſerare, figurata explana- re, obſcura eluci- dare, dicat vel ea non intellexiſſe, vel invidiè ſuppreſſiſſe?* Quomodo in ſuis litteris aequo explanationibus figurata locationis modo uerentur, qui ad hoc ipſum eadē expoſitiones ſuſcep- perunt, ut omnes figuratas locationes aperiſſe diſtinctiōnibus expedirent?

CAPUT XXI.

Ratio cur nonnullis Recenſoribus paradoxa vi- deantur propositio-nes quadam, in Auguſtino aliisque probatis Ecclesiæ Patribus ceriſſime.

Audiendus hac de re Albertus Pighius L. 18; 6. Hierarch. Eccleſ. c. 4. "Paradoxa ut videantur pleraque, que ex Theologicis illis principiis "(Scripturā & Patribus)." alioquin ſunt evidentissima, fecit ſacrarum Litterarum, & Ecclesiastica illius antiquitatis, Orthodoxorumque Patrum, qui jam diu regnavit, neglectus, & recepta pro illis profana quædam ex ſuo tradendi, definiendique temeritas, quā humanis potius ratiunculis, quā ſolidis germanisque Theologiae principiis, omnia expediuntur, ad viſa que rationis trutinam, non ad christianas inveniendæ Theologiae veritatis regulas omnia librantur. Unde cum ignis fa- tuus maleſuadas rationis humanæ, fingens la- borem in precepto, ipſi nimium innitentibus faciliè illudat; facilè fit, quod incauti ſequaces illius tenebras pro luce, & pro tenebris lucem accipiant, ipſiſque proinde inſolitum videatur & paradoxi, quod aliis, germanos Theologiae fontes consulentibus, ſectantibus, in iis appetet fundatissimum.